

PERDRE LOU "SUD"

Un bèl acuei en Prouvènço pèr li Coungressisto di Region de Franço... (pajo 2)



Prouvènço d'aro

Tóuti li mes, lou journau de la Prouvènço d'aro

Ótobre de 2018

n° 347

2,10 €

Francés Jouve

Dissate 6 d'ótobre
à la Bibliotèco-museon
Inguimbertaine de Carpentras :

Counmemoresoun
dóu cinquantenari
de sa desaparicion

8 ouro e miejo: Acuei dóu public emé dejuna óufert pèr la vilo de Carpentras.
9 ouro: aloucucion dóu Maire de Carpentras o de soun representant, de J.-F. Delmas, Counservadou generau, dreitor de la Bibliotèco-museon Inguimbertaine e dóu Majourau Jan-Bernat Plantevin, repre-



sentant lou Capoulié dóu Felibrige.
9 our 25: Presentacion dóu prougramo e dis intervenènt pèr Bernat Modon.
9 ouro e miejo: Quau èro Francés Jouve? "*François Jouve ou le plaisir de conter*" pèr Luceto Besson.
10 ouro 15: La lengo de Francés Jouve.
— "*La richesse entre l'universel et le local dans les contes*" pèr Franceso Soilly-Blay.
— "*Lire et enseigner*" pèr Simoun Calamel.
11 ouro: Pauso groumando.
11 ouro 15: "Sèmpe Jouve"
"*François Jouve et l'édition*" pèr Clemènt Serguier.
Miejour: Lou temouin.
Le *Carpentrassien* emé la participacion de Pèire Avon, Jan-Francés Brun, Jan-Pèire Monier qu'an cousteja Francés Jouve pièi, la paraulo es dounado, à-de-rèng, i persouno presènto dins l'auditòri qu'an tambèn couneigu lou celèbre fournié.
Espousicion dóu 30 de setèmbre au 31 d'ótobre 2018. Intrado libro.

Un Breton pèr Prouvènço



Lou deputa dóu Mourbihan, Pau Molac, à la manifestacion de Marsiho

"Lou sud es jamai esta, en matèri de territòri, uno identita bèn definido e claramen identificablo, ni sus lou plan geografi ni sus lou plan istouri.

Lou noum de *Prouvènço* es au countrari un noum carga d'istòri e de prestige, qu'a designa uno prouvinço au passat brihant. ... L'òujeicion: aquelo denominacion councernarié qu'uno partido dóu territòri de nosto Region... Es de nouta simplamen qu'au cours dis age aquèu terme es esta d'un usage forço estensiblo. A designa de realita territorialo estremamen variablo. La *Provincia* di Rouman, coustituido tre li proumièris annado dóu II^{en} siècle avans J.C. councidissien pau o proun emé la Prouvènço atualo, mai au II^{ie} siècle ap. J.C. la *Narbonensis Provincia* es un vaste territòri que vai dis Aup à Toulouso. Quàuqui siècle mai tard, en 879, lou reiaume de Prouvènço (capitalo Vieno), founda pèr Boson, s'espandissié dóu Bugèi e de la

Bresso enjusqu'à la mar, englobant uno partido de la Bourgougnon, lou Dóufinat, la Prouvènço atualo, uno partido dóu Lengadò. En ço que councernis lis Àutis-Aup, fau rapela qu'à l'Age Mejan, Gap e sa region, Embrun en particulié, èron restaca au Coumtat de Prouvènço, tre la fin dóu X^{en} siècle, pièi au Coumtat de Fourcauquiè reüni en seguida au Coumtat de Prouvènço: souleto la region de Briançon fasié partido tre lou XI^{en} siècle di terro dóufineso dóu Comte d'Albon.

Dóu coustat óorientau, se saup que Niço e soun terraire fan partido dóu Coumtat de Prouvènço, despièi lou X^{en} siècle e qu'aqueu meme Coumtat a agu uno prouvension tras que forto à s'espandi vers l'est: au XIII^{en} siècle Carles d'Anjou aqueris Sospel, Breil e Saorge à l'estremita óorientalo dis Aup-Maritimo atualo. La secession de Niço e soun restacamen à l'oustau de Savoio intervendran en 1388 soulamen, coume uno counsequènci dóu counflit, prouvouca en

Prouvènço pèr la sucession de la rèino Jano, entre li forço de Louvis d'Anjou e aquéli de Carles Duras...

Dóu poun de visto linguisti pèr eisèmple, es la memo lengo patrimonialo que s'es impausado sus tout lou territòri de la Region atualo: la lengo d'oc, apelado *prouvençau* dins l'usage tradiciounau dis abitant. Aquelo lengo a suscita pertout di troubadour à l'Age Mejan, s'es mantengudo pertout mai vo mens enjusqu'aro, dins l'ourau e dins l'escrit, bono-di à l'engajamen associatiéu, à l'ensignamen, à l'animacion culturalo, au soustèn di media e di couleitiveta loucalo, dount bèn segur la Region. A façouna lou francés que parlan. En elo e pèr la cultura que n'es pourtarello, es un elemen essenciau de nosto identita regiounalo." coume lou diguè pertinentamen **Jan-Glaude Bouvier**, noste *professour emerite de lengo e cultura d'oc d'Ais-Marsiho Universita, presidènt onourari de l'Universita de Prouvènço.*

Pèire Pessemesse

Sa remesso óuficialo dóu titre de Mèstre en Gai Sabé...

Pajo 5

Zóu! Un pau de gramatico

Es lou segound recuei de ficho pèr bèn aprene la lengo de Jan-Michèu Turc...

Pajo 9

Aneission de Niço e Savoio

Lou bèu raconte d'aqueu tros d'istòri pèr Roberto Saletta...

Pajo 7